

Mokanda ezanga maloba (Mokanda ya ba langi)

Ndenge nini kosalela yango


Yambo kobanda :

Nani asi amona mokanda ezali kolakisa histoire (lisapo) ya kitoko, kasi na kati na yango, ata liloba moko te ?

Sika awa, nazali na mokanda. Bo koki komona ete ezali na maloba na kati te. Kasi ezali kolakisa biso lisapo ya kitoko koleka masapo manso mosusu. Sika awa, bolingi koyoka lisapo ezali kolakisa biso ?

Tobandi na lokasa ya yambo : Nani azali kitoko koleka ? Malamu koleka ? Nani azali na bokasi ya kolakisa biso lolenge ya kotambwisa bomoyi na biso ? Kaka Nkolo Nzambe, Ye meyi. Langi ya wolo elimboli lokumu ya Nzambe.

LANGI YA WOLO



Malakisi ya lokasa oyo : Langi oyo ya wolo ezali kotalisa biso LOKUMU YA NZAMBE

1. Langi oyo ya kitoko elimboleli ngai lokumu ya Nzambe, Ye mpenza Kitoko, Ye Mosantu, Ye Malamu na makambo manso.
2. Nzambe azali nani ? Azali na bomoyi bileko na bileko, Ye Mokeli ya biloko binso. Yango wana, Azali na makoki ya koyebisa biso makambo tokosala, mpo Ye nde akeli biso.
3. Azali monene koleka, ebongi na biso kotosa Ye pe kotindamela Ye.

Verse ya Biblia : ... Bo bosana te ete Mokonzi Nzambe Azali Nzambe na likolo pe na nse ya mabele. Nzambe mosusu azali te. Kulonga 4 :39

KOKOTA NA LOKASA YA 2 : Kasi, tozali na ngambo monene. Baboti na biso ya yambo ba bosanaki nzela ya Nzambe, basalaki nzela na bango moko, pe biso tozali kolanda se nzela wana ya mabe. Bisu banso tozali masumu ebele. Yango wana, tomemi ngambo monene liboso ya Nzambe Mosantu. Oyo sango ya mawa, pe ya kufa.

LOKASA YA MWINDU, YA MBINDO




Malakisi ya lokasa oyo : OMEMI NGAMBO PONA MASUMU NA YO

1. Biblia elakisi biso, "Bato banso basali masumu..." (Roma 3 :23) «Biso banso, tozalaki koyenga yenga lokola bameme, moto na moto na nzela na ye ... » (Isaya 53 :6a)
2. Masumu ezali nini ? Likambo nionso ekopesa Nzambe esengo te, oyo ekotosa mobeko ya Nzambe te. Azali kopesa Nzambe mokongo, kolanda se nzela na biso moko. Ndakisa : lokola nini ? (tuna bana) Muyibi, lokuta, ... Bongo yo, osalaka makambo oyo ekopesa Nzambe esengo te ? Eee, mbala ebele
3. Masumu ebomaka bondeko na biso na Nzambe. Ezali komemela biso etumbu pe liwa.

Verse ya Biblia : Roma 3 :23a « Bato banso basalaka masumu ... »

KOKOTA NA LOKASA YA 3 : Kasi ata topesi Nzambe mokongo, Ye akolinga biso mingi. Na mawa na Ye, Abongiseli biso nzela oyo ekoki kopetola masumu na biso mpo ebongi te apesa biso etumbu. Yango wana, Atindelaki biso Mwana ne Ye Yesu Klisto, Ye azwa etumbu wana na esika na biso. Akufaki na esika na biso.

LOKASA YA MOTANE (rouge)



Malakisi ya lokasa oyo : **YESU AKABI MAKILA NA YE. AKUFAKI LOKOLA MOYIBI NA ESIKA NA BISO.**

1. Yesu azalaki nani ? Ye nde Mwana ya kitoko ya Nzambe.
2. Andimaki kozwa etumbu na esika na biso.
3. Akabi makila na Ye lokola mbeka na esika na biso
4. Akufaki likolo ya kuruse, Asekwaki na liwa pe Azali na bomoyi lelo !
5. Mosala na Ye esili se wana, yango Amataki na likolo.

Ba verse ya Biblia : 1 Korinto 15 :3-4 « Klisto Akufaki pona masumu na biso ... Ba kundaki Ye, bongo Nzambe asekwisi Ye na liwa ... » Roma 5 :8 « ... Klisto akufaki pona biso ... »

KOKOTA NA LOKASA YA 4 : Na liwa na Ye, Yesu afuti niongo nionso ya masumu na yo. Yango wana, sika oyo, Akoki kolimbisa yo. Akoki kolongola masumu na yo pe kopetola motema na yo. ekoma kitoko. Akoki kobongola motema na yo ekoma ya sika pona kolanda se Ye. Sika awa, okoki koyamba Yesu, koyamba Ye lokola Mobikisi na yo ?

LOKASA YA PEMBE, YA PETO

Malakisi ya lokasa oyo : NZAMBE AKOPETOLA MOTEMA NA YO TANGO OTIE MOTEMA EPAYI NA YESU. AKOPESA YO MOTEMA PE BOMOYI YA SIKA.




1. Ezaleli malamumu na Nzambe, ebongi obongola motema oyamba Yesu. Elingi koloba ete tika kolanda nzela mosusu kasi landa nzela ya Yesu. Nzela ya libiki mosusu ezali te kaka Ye.
2. Molimo ya Nzambe ekoki koloba na motema na yo ete ozali na bosenga ya Yesu ? Okoki kotika ba nzela mosusu ya pamba pe kobanda kolanda Ye ?
3. Soki obongami, okoki kobenga Ye sika sika oyo. Tia motema epayi na Ye (Molakisi, mwana nionso oyo abongami pona koyamba Yesu akoki kosambela. Ba koki koyebisa Yesu ete bazali na posa na Ye, balingi koyamba Ye sika awa)
4. Soki oyambi Yesu, masumu na yo ekeyi wapi ? (Nzambe alongoli yango).

Ba verse ya Biblia : Efezo 1 :7 « Mpo na makila ya Klisto tozali lisusu bahumbu ya masumu te, Nzambe alimbisi biso ... »

KOKOTA LOKASA YA 5 : Soki ya solo oyambi Yesu, otie motema epayi na Ye, okobanda kokola na ki boklisto, pe okolanda kaka Ye.

LOKASA YA MAYI YA PONDU (vert)

Malakisi ya lokasa oyo : **MOTO OYO AYAMBI YESU,
AKOKOLA NA KI BOKLISTO**



Sima na yo koyamba Yesu, okolinga kokola na Ye :

1. Sambela Nzambe mikolo nionso. Kumusa Ye pe pesa YE lokumu.
2. Yekola to yoka Biblia na posa ya kotosa yango.
3. Sambela na ba klisto mosusu ya lingomba.
4. Lakisa pe bato mosusu ba sango ya Yesu.

Soki osali lisusu masumu, ekopesa yo mawa. Kende noki epayi ya Yesu. Tubela pe tika yango. Akolimbisa yope akopesa yo makasi ya kotika libela makambo wana.

Soki ozali na makoki ya kozwa kombo ya mwana nionso to adresse to makoki mosusu ya komona ye. Senga ye asambela pona kotosa Yesu. Sima, okosambela losambo ya kozongisa matondi po mwana wana ayambi Yesu. To, soki asi ayamba Yesu, pesa Nzambe matondi lolenge mwana wana ayebi Yesu. Sambela po akola pe ayika mpika na kondima na ye. Soki lingomba na yo ebatisaka bana oyo bayambi Yesu, pesa ye likanisi ya kokende kokomisa kombo pona kolanda malakisi ya libatisi.

Omemi mwana na Yesu ! Ba anzelu na likolo bazali na esengo. Tika Nzambe apambola yo !

Molakisi : Pona kosilisa, tuna mwana

« Na ndenge oyekoli, okosala nini sika awa ? »

Eyano na motuna oyo, ekoki kosalisa yo oyeba soki mwana asosoli malamumu malakisi oyo.

Oyekolisi mwana Sango Malamumu ! Mbala mosusu, omemi pe ye epayi ya Yesu ! Soki mwana abongoli motema, ba anzelu na likolo bakozala na esengo. Tika Nzambe apambola yo !